





此册懷慶府各縣下接河南府當是第三十一册

# 欽定方輿路程考畧

## 修武縣

由衛輝府獲嘉縣至本府武陟縣陸路經



併北修武八馬北周郡廢隋曰修武縣屬河內郡	又置西修武縣尋廢北齊移修武縣治于西修武郡	郡又分置北修武縣屬之東魏郡廢改置廣寧郡	曰山陽縣屬汲郡後魏初曰之孝昌二年置山陽	漢司之三國魏初以縣奉漢獻帝為山陽公晉仍	百里本春秋晉南陽地漢置山陽縣屬河內郡後	東北至衛輝府輝縣九十里西北至山西澤州二	南至開封府陽武縣一百里西南至溫縣九十里	治三十五里北至山西澤州陵川縣界七十里東	南至縣治一百十里南至武陟縣界二十里至縣	二十里至縣治四十里西至河內縣界五十里少	距七十里南至縣治一百十里西至河內縣界五十里	縣治武安驛在府東北一百十里東	由衛輝府獲嘉縣至本府武陟縣陸路經
---------------------	----------------------	---------------------	---------------------	---------------------	---------------------	---------------------	---------------------	---------------------	---------------------	---------------------	-----------------------	----------------	------------------



# 欽定方輿路程考畧

## 修武縣

由衛輝府獲嘉縣至本府武陟縣陸路經



距七十里至縣治一百十里南至武陟縣界二十里東至縣治三十五里北至山西澤州陵川縣界七十里東南至開封府陽武縣一百里西南至溫縣九十里東北至衛輝府輝縣九十里西北至山西澤州二百里本春秋晉南陽地漢置山陽縣屬河內郡後漢曰之三國魏初以縣奉漢獻帝為山陽公晉仍曰山陽縣屬汲郡後魏初曰之孝昌二年置山陽郡又分置北修武縣屬之東魏郡廢改置廣寧郡又置西修武縣尋廢北齊移修武縣治于西修武併北修武八焉北周郡廢隋曰修武縣屬河內郡



大業十年移治永橋唐武德二年復于濁鹿城置  
陟州及修武縣四年州縣俱廢別置修武縣于西  
修武故城屬殷州貞觀元年州廢屬懷州宋熙寧  
六年省為鎮入武陟元祐元年復置金日之元屬  
懷慶府  
今日之

### 山川太行山

在縣北五十里漢志東太行山在山陽縣  
西北元和志太行山在縣北四十二里縣  
志山脉自濟源綿亘經河內環帶  
縣北東跨蘇門一方之勝槩也

### 青口山

俗名青雲口縣志在太行東兩峽色如青  
蔥明薛瑄詩句黃崖石古烟雲合青口山  
深草  
樹稠

### 閻王鼻山

縣志在青口後壁立萬仞有異人斲石  
挿木而上其上平行土沃鳥獸草木皆  
絕奇

### 嵇山

一名狄山在縣西北三十五里晉  
嵇康居焉故名縣志山在太行南

### 天門山

元和志天門山在修武縣西北三十七里  
以巖下可容百家今謂之百家巖上有精



舍又有嵇康鍛竈處(通志)在縣西北四十里諸山  
唯此山為最低(縣志)在太行西南兩山對峙其狀  
如門故名按此山在白鹿山西非輝縣之天門也  
(元)王暉遊百家巖雜詩月池懸溜落蒼窪巖竇分  
居可百家不羨碧瀾秋色好倚天驚絕赤城霞(明)  
秦祐遊百家岩詩未裡漢帝塚隨上百岩岑月色  
中天地泉漱自古今苔文前代石杯酒此時心賓  
主忘歸去臨流望夜深(馬)瀾和韻詩四面山環拱  
禪宮倚翠岑志文傳上古風景冠當今月送林  
泉影雲藏雨露心此遊難再得莫厭酒杯深

### 覆釜山

在縣北(水經注)陸真阜之東北得覆釜  
堆(魏書)地形志北修武有覆釜山即此

### 六真山

(通志)在縣北二十里(縣志)在縣北二十五  
里下有六真洞(水經注)山陽縣東北二十

五里有陸真阜即此

### 溫峪山

在縣北五十里太行之陽有峽高數  
百仞瀑布飛流登之可望數百里

### 鳳凰山

在縣北六十里高出諸峰之上相  
傳宋熙寧間有鳳集于此故名

### 伏諸坡

(縣志)形勢最低伏于太行之南故名

### 孔陽坡

在縣西北太行山形勢突兀崑  
磴縈紆行旅之人往來不絕

### 當陽峪

在縣北太行山下又有甕  
澗皆故陶處今陶器猶存

### 孫真人洞

(縣志)在太行中相傳孫思邈居  
此中有五色土丸人取服之

### 六真洞

在六真山下深邃莫測中有數丹灶(明)薛  
瑄詩句百佛漫存岩畔蹟六真無復洞中

遊



觀音洞

在王女泉下  
塑觀音祀之

沁水

在縣西南沁水分流也自武陟縣流入境又  
東入獲嘉縣界明萬曆中沁水決于武陟縣

之大樊口縣首受其患蓋縣地較之大樊  
口下十五餘丈每秋水泛漲多滄溺民田

小丹河

一名預河在縣南即丹水分流也自武陟  
縣流入又東經獲嘉至新鄉縣入衛明一

統志預河在修武縣南五里積潦而成東入衛河  
縣志預河自河內清化鎮東楊儀村縈折至此舊

在縣南明嘉靖間改流縣北為三里河萬曆十三  
年知縣朱政復導經縣南附城而東達于衛水

新河

縣志在縣西與北俱七里故通舟楫年久淤  
塞明知縣趙甫疏之引馬坊諸泉東入衛商

賈便之其後復塞萬曆中知縣邵炯復疏之任  
輟成其事新唐志修武縣西北二十里有新河

黃母泉

一名皇母泉縣志在六真鄉昔有黃姓之  
母居焉唐大中間趙令開新河引入吳澤

陂通志黃母泉在縣西北十五里水經注陸

真阜南有皇母馬鳴二泉東南合注于吳澤

王烈泉

縣志在太行中晉王烈遇石髓即此元王  
惲王烈泉詩日食石髓自如飴仍到岩邊

飲上池功滿自騎鸞鶴  
去夜深惟有月來窺

龍王泉

在五里院左

玉女泉

在百家岩上

吳澤泉

在縣北十里左傳魏  
獻子田于大陸即此

獅子澗

在太行下中  
有石獅子



甕澗

在大行下  
今陶甕處

明月池

在縣西北  
百家巖下

淬劍池

九域志懷州淬劍池  
嵇康淬劍之所  
縣志在縣北  
嵇山下  
宋嘉祐四年  
河北提刑曹績鳴琴譜  
甯邑今傳  
淬劍池何事  
蘇門聞教後  
一

羨靈芝

黑龍潭

縣志在温峪中  
兩山壁立水深黑  
其聲如雷至者心動  
明徐以貞黑龍潭詩  
何年鬼斧劈層崖  
鴉翼分來一線開  
高掛珠簾飛萬雪  
直垂銀柱吼千雷  
神龍愛僻潛時見  
好鳥依人去復來  
斜日在山歸意懶  
不堪回首重徘徊

白龍潭

縣志在黑龍潭之南  
水深邃勢稍平坦  
相傳有黑白二龍  
相爭今二潭上俱有龍祠  
禱雨有應  
明邊大綬白龍潭禱雨詩  
壁立挿天一線開  
飛濤澎湃如雷  
浪花噴雪穿山骨  
野樹留雲鎖岸苔  
澗道峻增猿欲渡  
懸崖滴瀝鳥應猜  
合當祈取源頭水  
一洒甘霖潤草萊  
八角井  
一名靈泉  
縣志在縣西  
五十里  
狗泉  
陂晉太和中有楊生  
隨一犬醉卧于此  
野火將至犬號呼不醒  
遂跑得泉以身引水  
浥草生得不死  
今井上有龍王廟  
禱雨有應

關梁武安驛

在縣西關

永安鎮

在縣東  
二十里

承恩鎮

金志修武有承恩鎮  
縣志在縣西  
三十五里  
即簞食壺漿處  
明薛瑄詩句  
淬劍池留



中散蹟承恩  
鎮駐武王師

待王鎮

縣志在縣西二十里以僖我后名

鞏村舖

在縣東十里又萬廂舖在縣東二十里達衛輝府獲嘉縣界

曹村舖

在縣西十里又孔村舖在縣西二十里平陵舖在縣西三十里李腕舖在縣西四十

里達河  
內縣界

龍渠橋

在東關外 本朝順治十五年重建改名曰生聚

西七里橋

在修武西明知縣任轍重建

宣王陂

在縣北十里流合吳澤蓋與白屋水相近以司馬懿所經故得名新志孔子北之趙

聞鞅殺竇鳴犢  
遂返經此故名

吳澤陂

在修武北二十里

古蹟雍城

在修武西古雍國文王子所封左傳郟雍曹滕文之昭也

攢城

在縣北二十里左傳周襄王賜晉文公攢茅之田即此今廢為大陸村

隕城

左傳隱公十一年以隕與鄭即此

李固城

在縣東北二十里城圍三里九十步史記趙李固却秦兵趙封其父李侯即此

小修武城

在縣東南十五里昔韓信軍于修武即此俗呼齊王城

呂公城

在縣西五十里



山陽故城

在縣西北三十五里以在太行山南故  
名戰國時魏邑秦始皇五年蒙騫伐魏  
拔山陽城封嫪毐為長信侯與之山陽地漢置縣  
魏曹丕篡漢廢獻帝為山陽公北魏孝昌中置山  
陽郡治共城後移治山陽城尋罷北齊廢縣入修  
武縣志城周五里有奇或以為即雍城或以為即  
濁鹿城皆悞又金時以重泉村別置山陽縣在今  
衛輝府輝縣界金元好問過山陽詩太行釀秀在  
山陽稽阮經行舊有鄉林影池烟設清供物華天  
寶借餘光承平故事嗟猶在雅咏風流豈易忘稍  
待秋風入涼冷百壺我欲醉籌堂又與趙尚書寶  
談山陽舊事詩廢邑蕭條落照邊山陽遺跡世空  
傳肺腸未漬猶可活灰土已寒寧復然負鼎運來  
原有力考槃人去更堪憐目君憶得曹瞞事銅雀  
臺荒又幾年明秦金山陽懷古詩古寺荒荒路欲  
迷年賢曾此托幽樓竹林瀟灑清風遠雲野蒼茫

落日低世道可能無魏晉巖居端合有夷  
齊他年漫說山公啟誰道英雄八品題

修武故城

有三今縣治則西修武也漢置修武縣  
今在獲嘉縣界後魏分置北修武于今  
縣北濁鹿城目名漢修武為南修武其後又分置  
西修武寰宇記東魏置西修武縣尋省高齊天保  
七年自今獲嘉縣移修武縣于西修武故城隋大  
業十年移于永橋在今武陟縣界其城又空唐武  
德二年又移于濁鹿城四  
年又移還西修武即今治

陟州故城

一名濁鹿城又名清陽城元和志濁鹿  
故城在縣東北二十三里後漢書獻帝  
紀曹丕奉帝為山陽公居于山陽之濁鹿城魏書  
地形志汲郡有北修武縣孝昌中分南修武置治  
清陽城隋志魏置修武縣齊併入即此舊唐志武  
德二年李厚德以脩武縣東北濁鹿城歸順回置



陟州及修武  
縣四年廢

### 廣寧故城

一名大寧故城在縣東南隋志修武有東魏廣寧郡周廢寰宇記大寧故城在

縣東南三十八里舊名西邨閣城東魏置大寧郡周廢大寧即廣寧舊避隋諱而改也

### 武陽城

在縣南二十五里魏書地形志山陽縣有南北二武陽城

### 南陽城

在縣北三十里左傳晉啟南陽即此唐韓愈世家烏有韓家庄湘子祠址故老猶識

其斷碑今為居民埋沒聞見後錄新唐書韓愈鄧州南陽人史記白起攻南陽徐廣云此南陽河內

修武也則退之修武人也以為鄧州誤矣

### 冊村

在縣西二十里孔子與南宮敬叔適周問禮于此因名孔庄今有廟

### 義門村

在縣西二十里宋張弘毅家于此故名有連理槐兩樹相去三步許上各一枝交貫

為一弘毅家故物也今猶甚茂前有龍虎二石不假雕刻形像天成

### 利平鄉

在縣東南二十里管仲與鮑叔牙賈于此分財多自與故名

### 七賢鄉

在縣北魏時阮籍嵇康山濤王戎向秀劉伶阮咸同居山陽結自得之游時人號為竹林七賢避暑錄話七賢竹林在今懷州修武縣

初若欲避世遠禍者然反由此得名金元好問七賢鄉詩石壇高樹映寒藤閑有沙鷗靜有僧總愛

山陽竹林好七賢未了更誰曾王暉七賢鄉詩不到山陽二十年黃壚空鎖竹林煙胡盧笑殺嵇康

草又向溪山着祖鞭又詩漠漠筠林指舊樓幾年于此避危機奇才最惜嵇中散空聽鸞音月下啼

又詩七賢未為此君遊終歲相看散百憂却為歲



寒貞節在十年  
憔悴伴人愁

**六真鄉** 在縣北五十里以金丘處  
機等而名有六真觀今廢

**安信鄉** 在縣西三十里以  
漢范式張劬而名

**孝義鄉** 在縣西南二十里以張弘毅名宋張弘毅  
世居待王鎮西弘毅生廉廉生仁仁生恭

恭生開開生國用國用生淳淳生友雷累世同居  
長幼敦睦財無私蓄家有連理槐生烏詔旌其門  
後遂以孝

義名其鄉

**避暑樓** 在縣西北百家巖西相傳漢  
獻帝避暑于此址磴猶存

**醒酒臺** 在縣東北百家巖前晉劉伶醒酒處曹涇  
大書石刻存明薛壇詩句劉伶醒酒臺猶

在漢獻封  
公塚尚遺

**環翠亭** 在百家岩  
下今廢

**寺觀西明寺** 在縣西周留村唐麟德元年  
建開元二十四年修有碣

**居德寺** 在縣西五十五里嘉  
禾村唐開元八年建

**百家巖寺** 在縣治北六十里百家巖上太行之麓  
也唐杜鴻漸百家巖寺碑畧中國山嶽

以千數太行為靈長延袤千里有巖焉筆自高齊  
爰立茲寺以其巖下平易可容百室故命之曰百

家也前此者禪師虔忠身具律儀言為訓誨萬眾  
蒙蓋千里向風歷數十年以授于門人曇景特啟

宏宇易置高廊上座如航寺主英俊都維那善等  
蓋常聚徒而言曰處寂寞者了心資言說者入義



非山林境勝何以臻此內通非文字自遠何以宣  
乎外法會議刻石未徵予詞銘曰巖巖太行縱橫  
千里環厚地兮寂寂梵宮懸處百仞乘顛氣于毫  
光月滿照清三界破昏曉予石為可久文亦播揚  
行佛事于天寶八載二月晦建唐冷朝陽宿百巖  
寺詩幽寺在岩中行惟一徑通客吟孤嶠月蟬噪  
數枝風秋色生苔砌泉聲入梵  
宮吾師修道處不與世間同

### 清真觀

在縣西馬坊村金丘長春所寓元好問馬坊冷太師清真觀詩水際茅齋星散居白

雲閣伴五溪魚茂林修竹山如畫蘸碧軒中恐不  
如又詩枯蒲折葦障清灣十里風荷拍顧間安得  
西湖展江手亂

鋪雲錦浸青山

### 祠墓懸淙神龍祠

有二祀黑白二龍潭之神在溫峪元馬曙龍祠禱雨記縣北兩舍而近有

峪曰溫盤崖顛飛泉名曰懸淙垂練千尺聲勢洶  
怒奪目駭心下匯為潭深不易測世傳二龍宅之  
人有見之者或白如練或如金色潭西南有祠故  
節使劉公所建古碑字刻大畧記龍公姓白與黑  
龍爭是潭山麓爪跡至今宛然歲旱祈禱靈應之  
迹榜于屋壁殆徧大德丁未自秋徂冬三月不雨  
監邑公伯不花率僚屬詣祠既  
禱仍瓶潭水歸越三日雨大作

### 濟瀆行祠

在縣治西南隅元至正二  
年建前有方池禱雨輒應

### 三無私廟

在孔村元至  
正四年建

### 神農廟

在縣東南經理村  
有五穀臺遺址

### 湯王廟

縣志在西關外春秋致祭廟木  
皆桑以桑林故金大定二年建



孔子廟

在縣西二十里孔莊

漢獻帝廟

在禪陵東俗呼古漢廟明李濂游甯邑雜記禪陵之東有漢獻帝廟傾圮崖側

韓文公廟

在縣北南陽城遺址尚存

漢禪陵

在縣北後漢獻帝葬禪陵帝王世紀在濁城西北去濁城直行十一里斜行七里去

山陽十五里元和志在修武縣北三十五里通志

在縣北小風村明冷宗元漢獻陵詩烟雲漫漫樹層層駐馬西風拜漢陵鼎散赤龍仙仗遠瓦餘銅

雀故臺崩河山恨在空啼鳥香大年深尚野僧凋

童夾道欲籠燈

張興亡下長坂村

商塚

縣志在縣東二里武王伐商其子孫有來歸而死者葬于此

後漢范式墓

在山陽城後

唐衛審符墓

在縣西孔莊

宋蘇立墓

在縣北魏村東



欽定方輿路程考畧

武陟縣

在府東一百里東西距一百里南北距四

南至縣治八十里西至河內縣界四十里至縣治

一百里南至開封府河陰縣界三十里少東至縣

治四十五里北至修武縣界十五里至縣治三十

五里東南至開封府滎澤縣界五十里至縣治六

十里西南至溫縣界三十里至縣治六十里東北

至衛輝府獲嘉縣界四十里至縣治六十里西北

至河內縣界三十五里今禹貢覃懷之地春秋周

畿內懷邑後屬晉戰國屬魏漢置懷縣屬河內郡

又置武德縣亦屬焉後漢曰之移河內郡治此晉

復移郡治野王以懷為屬縣省武德入之後魏初

曰之東魏天平初改置武德郡于州縣以懷縣屬

之隋開皇十六年又分修武置武陟縣大業初與



懷縣皆廢十年移修武縣來治于縣界之永橋唐  
武德二年移還濁鹿城四年復移修武來治改曰  
武陟屬殷州貞觀元年屬懷州宋金曰之元屬懷  
慶路明屬懷慶府今日之宋晁冲之行武陟田中  
詩慣習兒童喜從容父老權桔槔看俯仰稼穡愧  
艱難荷葉生池岸蒲萄落井幹求田如得此當為  
駐征鞍明劉咸武陟咏古詩虹橋百尺控南灘沁  
水微茫野色寒明月院荒春草滿法雲寺古暮鐘  
殘山濤廢墓誰能識樊噲遺城自可嘆  
偶過南村開縱目猶聞風笛起林端

### 山川清風嶺

在縣南十里瀕河西  
連溫孟嶺多名利

### 聚米峰

在縣西北三十里寧郭城內(縣志)聚米峰  
根結太行折而東蜿蜒倚伏穿石河過鍾

離峙為三阜左挿大荒右傍漕渠中一脊斜起于  
寧郭城內之北隅屹若岑巒常有天竺僧過而指  
曰此五臺山南斗峯  
也何以聚此曰名

### 黃河

在縣南十五里自溫縣流入與河南府河陰  
縣接境又東入開封府原武縣界(水經注)河

水自平皋又東逕懷縣南濟水故道  
之所入與成皋分水又東至滎陽

### 沁水

在縣東一里自河內縣流入遠城北至木樂  
店折而南十五里至南賈村入河曰南賈口  
支流復自縣北東引灌田二千餘頃入修武縣界  
明永樂九年沁水溢淹沒縣境田廬詔修決口以



禦之成化十八年沁水溢嘉靖三十五年沁水決  
縣東北大樊村萬曆七年沁水決蓮花口東入于  
衛十五年復決蓮花口衛輝府獲嘉新鄉俱被其  
患時有議當因其決遂引沁入衛既以殺黃河之  
勢且使衛河水盛東注運河乏資其利科臣常居  
敬言沁河身濶里餘穿太行而南注濁流湍急較  
黃河益甚衛輝在其下流地形卑下橫流一發被  
害最遠且臨清運道不能得其津流之利而徒受  
其淤澱之害蓋衛小沁大其勢難容衛清沁濁其  
流必淤木欒在沁河北岸與大樊口相隣嘉靖中  
由此橫決突入衛河泥沙弥湧至臨清逆流上擁  
運河板閘甄關七十餘里淤塞難行此患不專在  
衛輝而更貽患于漕者也于是復隄塞之而引沁  
入衛之議始格（縣志）沁水性善變舊由詹家店東  
入河後徙由本店西南入河去縣四十餘里明萬  
曆十八年水漲由南賈村直入河去縣僅數里崇

禎十二年大旱水竭

本朝順治四年沁水決五年復決七八九年屢決十

年大決水入城十一年復決蓋沁河多沙而橫暴

故善決也（水經注）沁水自周縣又東逕懷縣北又

東逕武德縣南水積為陂通結數湖有朱

溝水注之又右納沙溝水又東南入河

### 廣濟河

在縣西南十五里沁水分流也自河內縣

東徑懷城南又東徑殷城北又東南注于沁（縣志）又

廣濟河溉武陟田至縣西南東郭墮入河舊自溫

縣東歷縣南解封村班家溝入河今徑

自溫縣東馬村入河不入武陟境矣

### 小丹河

在縣西北十七里自河內

### 上清河

在縣西北十七里（縣志）上清河即河內縣  
董下小丹二河自清化鎮東白馬溝分流



徑金城村入縣境徑於村李村  
達修武縣南三板橋東流入衛

### 蓮花池

在縣東北沁河東岸地名木藥店其相隣  
者地名金坑塙東去衛河百里明萬曆中

沁河從此  
決入衛河

### 觀灘

(通志)在縣東四十五里  
沁水之北舊為決溢處

### 雙泉

在縣西北寧郭城西北隅明天啟年知府王  
景開渠引修武縣靈泉南流五里以為寧郭

鎮城濠水崇禎五年守道袁楷復濬之又郭村西  
北有泉久室亦疏之引入石橋下交流目名曰雙

泉

### 關梁寧郭驛

(通志)寧郭驛在縣西北三十五里故名宋  
村本隋祭酒宋通居第後改為寧郭置驛

有城明景泰中築崇禎九年重修又有寧郭遞運  
所(輿程記)自覃懷驛至寧郭驛六十里自寧郭驛

至修武  
五十里

### 小寨村

東至獲嘉縣  
張家堤交界

### 馬營村

東至滎澤縣  
王祿店交界

### 南賈村

在縣南十五里沁水  
自此入河曰南賈口

### 解封村

在縣南(縣志)沁水舊自溫縣東歷縣南解  
封村班家溝入河今徑自溫縣東馬村入

河不入武  
涉境矣

### 城子村

在縣西南十  
五里有隰城



司馬村

在縣西南三十里晉司馬村所居有司馬城

大駕村

西至河內縣西尚村交界

老達寨村

西至溫縣趙保鎮交界

張村

括地志在縣西十里一里有懷縣故城

東張計村

西至河內縣西張計村交界

龍睡村

北至修武縣王村交界

大樊村

在縣東北明嘉靖三十五年沁水決縣東北樊村

詹家店

南至滎澤縣黃河渡口交界

木藥店

在縣東北臨河通商賈為邑中市集之最

馬曲鋪

在縣東又東為小原鋪東店鋪即閣鋪達開封府原武縣界

水寨鋪

在縣東南又東南為南灘鋪一名占家店鋪達滎澤縣界

張村鋪

在縣西又西為虹橋鋪石荆鋪交斜鋪達河內縣

夏封鋪

在縣西北又西北為官莊鋪寧郭鋪達河內縣界

政濟橋

在縣北

沁堤

在縣東北東南起郭村西抵河內亘數十里

黃河渡

在縣東南六十里南岸屬滎澤



古蹟武陟故城

今縣治北周大象二年尉遲迥起兵相  
德四年移修武縣于此改曰武  
陟元和志縣西北至懷州百里

懷縣故城

在縣西十一里漢置懷縣為河內郡治  
東魏改屬武德郡隋大業初廢入安昌  
唐初復置屬懷州貞觀初廢禹貢軍懷底績注河  
內郡有懷縣今懷州也左傳宣六年赤狄伐晉圍  
懷史記趙成侯四年魏敗我懷魏安  
釐王九年秦拔我懷縣志在張村

殷城

在縣東南十五里或謂楚漢之際殷王司馬  
邛治此水經注朱溝水徑殷城北述征記懷  
縣有故殷城竹書紀年  
秦師伐鄭次于殷城  
與鄭人蘇忿生之田隰邨杜預注在懷縣西

隰城

在縣西南十五里城子村左傳隱十一年王  
南

武德故城

在縣東二十里漢置武德縣魏延康元  
年封曹睿為侯邑晉省永嘉四年石勒  
攻梁巨于武德即故城也隋初為修武縣地開皇  
十六年析置武陟縣于此大業初仍省入元和志  
隋武陟縣理武德故城  
在今縣東二十里是也

樊城

縣志在縣西四十里今名  
古樊漢樊噲屯兵于此

陟州城

在縣東南  
四十一里

司馬城

在縣西南三十里晉司馬  
氏所居其鄉有司馬村

永橋城

在縣西虹橋鎮高齊有永橋大都督北周  
大象二年韋孝寬討尉遲迥至永橋城



為迥守諸將請先攻之孝寬曰城小而固若攻而不拔損我軍威目引兵辟武陟(寰宇記)隋大業十年移修武于永橋唐武德二年又移于濁原城

### 寺觀法雲寺

在縣東後周廣順三年建

### 妙樂寺

在縣西張村後周顯德二年建

### 鐵佛寺

在縣西北寧郭村建于唐長慶二年金貞元間為亂兵所焚迨元中統四年重建至

元元年乃畢工焉

### 普明寺

在縣西南吳仁村唐建明弘治間重修

### 景德寺

在縣東郎邵鎮

### 永慶寺

在縣東南圪墻店

### 卧佛寺

在小店

### 隆壽寺

在縣西小虹橋

### 舍利塔

在縣西十里張村高凌雲漢雄峙一方(法苑珠林)隋懷州妙樂寺塔者在州東武陟

縣西七里妙樂寺中高五級方可十五步並是側石編砌石長五尺濶三寸鱗次葺之極細密道俗自見咸驚訝其神鬼所造其下不測其底古老相傳塔從地涌出下有大水有刺史疑僧濫飾乃使人傍基掘下至泉源猶不見其際(明趙大洲過妙樂塔詩)洪流千古意孤塔往來心寂寂留雙槿花開不計春



雨花庵

在縣東北  
萬花庄

常春觀

在縣東南  
東賈村

玉真觀

在縣西小  
司馬村

通玄觀

在縣治西北  
元至元初建

祠墓碧霞元君祠

在東門外木藥店(縣志)每歲四月十日  
止縣令于十有八  
日率屬往修祭禮

商帝陵

在縣東三十五里千  
秋鄉日以商名村

漢蒯徹墓

在縣東北十八里舊有  
碑銘其村猶以蒯名

後漢杜喬墓

在沁岸喬為南郡太守  
後為太尉卒葬于此

魏許褚墓

在縣東北四  
里中許村

晉山濤墓

在縣西二十里小虹橋村二  
子簡遐墓稍前並列有祠

習鑿齒墓

(縣志)在縣北南習村(寰宇記)  
在修武縣西太平鄉

隋宋通墓

在縣西北富樂  
上鄉碑記尚存

楊守素墓

在縣東  
水寨村

元劉全墓

在縣西南  
唐郭村

蕭讓墓

在縣西南  
大封村



牛天瑞墓 在縣東

佛保墓 在縣中

胡節婦墓 在縣西北

明李端澄墓 在縣西四十里王順村

欽定方輿路程考畧

孟縣 在府南少西五十五里東至溫縣界二十里至縣治五

十里西至濟源縣界四十五里南至河南府孟津

縣界十八里至偃師縣六十里北至河南縣界二

十五里少東至縣治五十五里東南至河南府鞏

縣界十五里至縣治六十里西南至濟源縣界四

十里至孟津縣四十里東北至溫縣界二十五里

西北至濟源縣界四十五里至縣治六十里本周

畿內地春秋屬晉曰河陽漢置河陽縣屬河內郡

東漢仍為河陽魏晉曰之不改後魏置北中府孝

昌中復置北齊又省入溫軹二縣置河陽關隋開

皇十六年復置河陽縣屬河內郡唐武德四年置

盟州并領集城縣八年州廢省集城入河陽屬懷

州顯慶二年割屬洛州建中二年置河陽三城使



會昌三年改置孟州治河陽屬河北道宋曰之亦  
置河陽三城節度使政和二年改濟源郡屬京西  
北路金仍為孟州屬河南東路元屬懷慶路明洪  
武初始省州治河陽縣八十年廢州為縣屬懷慶  
府今日之唐岑參春尋河陽陶慶士別業詩風暖  
日曠曠黃鸝飛近村花明潘子縣柳暗陶公門藥  
梳搖山影溪竿帶水痕南橋車馬客何事苦喧喧  
孟郊往河陽宿峽陵寄李侍御詩句暮天寒風悲  
屑屑啼鳥遠樹泉水壘行路解  
鞍投古陵蒼蒼隔山見微月

# 山川猫兒山

在縣西南寰宇記  
在河陽縣西十里

# 紫金山

一名嶺山又名麥山縣志紫金山在縣西  
八里北接太行常有雲氣覆于上舊名嶺

山其地宜麥又名麥山唐貞觀十一年太宗獵于  
此寰宇記嶺山在河陽縣西北三十里岡嶺橫亘  
故名輿程記紫金山在縣南三十里上有金山寺  
其下即孟津也宋程顥遊紫金山詩仙掌遠相招  
縈紆度石橋暝雲生澗底寒雨下山腰樹色千層  
亂天形一罅遙吏紛難久駐回首羨漁樵明劉思  
問紫金山寺詩句茂樹通花郭長河入綺疏攤書  
羣籟寂聽法六塵虛謝榛望紫金山詩隔河一帶  
碧嶙峋薄暮登臺注望頻古洞深松歸老鶴金山  
瑶草待幽人泉奔巨壑常風雨月傍高壇自鬼神  
丹侶有期應不負  
三花樹底醉長春



**雷家山** (縣志) 在縣西三十里舊為雷氏所居相近又有嚴家山

**花石崖** (縣志) 在縣西三十五里崖谷幽邃亂流石澗中潺湲有聲其石五色淺黃隱隱成花

木形似古人枯木寒林畫

**黃河** 在縣南二十里自濟源縣流入與河南府孟津縣接界河廣二里又東入溫縣界(水經注)

河水又東合庸庸水又西會濬水又東過平陰縣北湛水注之又東徑河陽縣故城南為冶坂城又東徑洛陽縣北又東徑平縣故城北河水于此有

孟津之名又東淇水入焉又東沛水注焉至鞏縣(宋河渠志)孟州有河南北凡二埽建隆二年孟州

河決乾德三年孟州河溢壞中潭橋太平興國二年孟州

年孟州河溢九年孟州河漲損浮梁熙寧十年河陽水漲壞南倉溺居民重和元年自春至夏河勢

湍猛侵齒民田迫近城五月詔都水使者同漕臣河陽守臣固護孟州河陽縣第一埽

**孟津** 一名富平津一名小平津一名盟津一名陶渚在縣南十八里禹貢導河東至孟津(泰誓)

武王伐紂大會于孟津(孔安國書傳)孟地名在洛北都道所湊古今以為津(論衡)武王與八百諸侯

同盟于此故曰盟津後漢李尤孟津銘洋洋河水赴宗于海經自中州龍圖所在黃函白神赤符以

信昔有周武集會孟津魚八王舟乃往克殷(魏文帝孟津詩)良辰啟初節高會構歡娛通天拂景雲

俯臨四達衢羽爵浮象樽珍膳盈豆區清歌發妙曲樂正奏笙竽曜靈忽西邁矣燭繼望舒翊日浮

黃河長驅旋鄴都(唐胡曾過孟津詩)秋風颯颯孟津頭立馬沙邊看水流聞說武王東渡日戎衣曾

此叱

陽侯



冶坂津

舊名漢祖渡在縣西南孟津之西後魏太

于冶坂津魏主遂引

兵北濟河如河內

沅水

即濟水在縣北自濟源縣流入境至城東沅

本縣東南入河

不至溫縣界

澗水

在縣東北三里自濟源縣流入(縣志)澗水自

濟源縣遠孟縣界東南至孟江口曲折而東

二十五里至沅河鎮合沅水入溫縣(水經注)澗水

自波縣又東南天漿水注之又東南右會同水又

東南徑安國城東又南徑

冶水

無辟城西又南注于河

在縣西即濟源之天漿溪也(水經注)天漿水

自軹城東北流徑冶城亦名冶水又東注于

同水

在縣西(縣志)同水出濟源金莎嶺南東北流

徑白牆又東注于澗(金志)河陽縣有同水(水

經注)出南原下東北流徑白騎塢南

餘濟河

又東北徑安國城西又東北注澗

在縣北沁水分流也自明萬曆中鑿渠引

沁水為廣濟渠又分廣濟為永利渠其支

流所注為渠僅二一渠東南委折至官莊入澗一

渠南徑遂村東桃園入澗徑官莊者明天啟元年

河內大衛孟縣曲弘等村民引為餘濟河一渠洧

涓澤不及遠

本朝順治三年縣人自遂村鑿渠引水北流徑南雍

官莊亦匯于餘濟河溉河內之大衛小衛王亮葛

萬孟縣之曲村弘道羅莊堯村吳家

寨趙莊藥師村等田十五年重浚



溫泉(通志)在縣西北治墻村

萬艘潭(通志)在縣南黃河側潭水深平為舟楫輳泊之所

畜魚池(通志)在縣北(新唐志)河陽縣有池永徽四年引濟水灌之開元中以畜魚池(通志)縣治傍

水泊尚存居人以種蓮蒲

澆花井(通志)在縣西南舊河陽城內相傳晉潘岳澆花于此

關梁河陽關(通志)在縣西南(新唐志)河陽縣有河陽關東魏置于中潭城

黃河關(通志)在縣南河北岸今廢

河陽驛(通志)在縣南十五里今廢(明王諤)登河陽驛樓望黃河詩雪後登臨霽色開河陽門外有樓

樓臺氣蒸川嶽半空黑勢轉乾坤萬里來碣石夜寒浮象緯禹門春暖動風雷他年細讀文清筆魏我元非(通志)作賦才

坡村(通志)在縣西南

白墻村(通志)在縣西有白騎塢東漢賊將張白騎所築故名

沈河鎮(金志)河陽有沈河鎮(縣志)沈河鎮在縣東二十里沈水徑其左有集

野戍鎮(縣志)在縣西四十里即古河陽城城外有潘安仁澆花井東漢名野戍唐稱野水今

仍呼野水有集

下孟鎮(通志)在縣南十八里即古孟州治



河清鎮

即河清廢縣在縣西南五十里

白波鎮

一名白波谷在河清城東

進忠舖

在縣南五里達河南府界

穀旦舖

在縣北十五里達河內縣界

柏崖倉

在縣西南柏崖故城(唐志)咸亨四年置教倉于此曰柏崖倉元和二年淄青帥李師

道遣盜焚

柏崖倉

東馬橋

在縣東三里湙河上明萬曆中知縣方升重修

古河橋

在縣南一里晉武帝太始十年杜預造河橋于富平津武帝親臨視之永和六年苻

健圖入關中自枋頭悉眾而西至孟津為浮梁以濟既濟焚河橋元魏太和十七年帝將南伐南幸孟津謂于栗磾曰河可橋乎磾曰杜預造橋遺事可想乃編次大船橫橋于冶坂六軍以濟(元和志)浮橋以船為脚竹簰巨之(宋史)乾德三年水漲壞中潭橋梁而城郭無恙政和七年都水孟陽言舊河陽南北兩河分流中潭有浮梁頃緣河北淤澱水不通行止于南河修築一橋水勢衝激每遇漲水多致損壞欲開修北河如舊修南北兩橋從之唐皮日休河橋賦咸通癸巳歲日休遊河觀橋之利不楫而濟美其事著河橋賦其辭曰西荒之外有崑崙山帝都之下豐隆在焉其表無際其高破天河漢極北昭回相連分其坎德遂有河源其出縣縣其流涓涓如帶是也濫觴信然始礪石以作注終裂地以成川迨乎放勳之世重華之年其水懷山其波浸天鼇怒則蹴翻五嶽鯨激則掉破百



川迅獲歛而似曝湧湍瀆而若煎漬地軸以推矣  
爛天輪而缺然草木則尾閭日月則沃焦之巔人  
民死而為介保蟲化而為蟻有桑不績有麻不田  
此則乘塏望萬里之淵且夫天地之前有河生焉  
則盤石之神不能導而使歸海朴父之力不能疏  
而使為川豈非元命未降抑自上玄大聖未出大  
攻未宣天之作矣抑有由焉于是堯之心惻然悵  
然咨其四岳舉爾所賢天之元命不自于繇繇雖  
作矣其功不全果殛于山其罪昭然天之元命降  
而自禹禹既作矣其功如天于是禹之心憂然勞  
然股既無肱過不入門以已為下以物為先既乘  
橈以即樅又隨山而濬川導自積石至于龍門裂  
峩峩以風響斬巖而晝昏破靈怪窟斷天地根  
分其注使不可潰修其流使不可吞然後千巖萬  
壑雷吼電奔挾逆流而並瀉入渤海以猶渾天下  
安流昏墊無憂禹功既大舜禪克修其功也與天

優優其績也與河悠悠北度既安九河如箭濁不  
可鑿蝥不可見渦若驚風浪如狂電若此帝媯之  
世則其流也如綵如綫在昔典午之世也其君實  
良其臣孔臧念濟者之太勞乃致功而去航子產  
之濟也不足比克國之奏也胡可方于是督斤斧  
于梓匠下村幹于豫章造其舟也乃絙乃杠乃輿  
乃梁功既奪于利涉力可侔于巨防知禦鼃鼃者  
以妖為德聚魚鼃者以怪為祥觀其步高于空履  
險于深其形也若劍倚天外其狀也若龍橫水心  
其高也若大虹之貫天風吹不動其壯也若巨鼃  
之壓海浪泛不沉曙色霍開濟者相排如川失水  
一物時來蹄響如雨車音若雷有賢有俊有隸有  
臺有貧有窶有貨有財億前王之道深有旨哉在  
水則河橋曉濟在陸則四闕盡開水之與陸一貫  
而來所以大同其軌廣納其林豈梁之昉乎抑聞  
三代之橋也不斤不斧不徒不杠以道為水以賢



為梁濟民者民不病溺濟世者世不頽網開之也  
通仁流義閉之也關淫限荒夏之梁也曰湯殷之  
梁也曰昌周之梁也曰旦漢之梁也曰光自漢之  
季國竊主折為水者以洛以強及隋之世為梁者  
唐故能濟民于萬方同軌于八荒是知河橋之義  
也可以獻于天王張仲素河橋竹索賦大川不測  
以設險浮橋架迴以通達利乎濟也或溢解乎難  
也無私以虛舟而易蕩屬激箭以相推吾見其梁  
木斯壞安得稱大道甚夷肇彼謀者莫知其誰于  
是辦修笮曳長靡佯可久以為慮將制動而咸資  
且乎原始要終授材度費徵十圍之巨收千古之  
貴費非難得用之不既易危成安斯之所謂憑遠  
岸亘長河將好勁以橫截或守柔以旁羅每自直  
以應用恒守節而居多檻欄之勢舳艫之廣曰大  
索以橫流俾羣材之攸仰皆恃此以綰繫故不憂  
于板蕩徒謂其勁挺為質連延不一或指遠岸以

孤引或自中灘而對出苟易志而殊途亦齊勞而  
共逸縱奔漸激射浮湍迅疾駭聲騰雷驚波湊日  
雖前後之鼓怒終上下而駢比拔山之倫扛鼎之  
匹雖則取之大壯抑亦執之或失豈不以順事安  
排故能守乎元吉斯乃道濟行路功深模軌人有  
觀于投足物寧憂于濡尾視絢索而久存亦何比  
于一葦况橋曰索而襲固索以槁而用長力雖叅  
于索鐵繫或固于芭桑恢益下之極致信為物之  
紀網彼鼃鼃虛構于溟海鳥鵲徒架于天潢惟衆  
人之攸利益有助于連航夫物有小而可以屬詞  
材有小而足以濟時索固有條而不奈人亦  
直道而用之儻要津以見假願盡力以維持

### 乾溝橋

在縣西二十里  
明萬曆年間建

### 禹寺橋

在縣西北十五里大  
澗上明萬曆年間建



穀旦橋

在縣北十五里湜水上明永樂十年  
建正德八年萬曆二十六年重修

侯村橋

在縣北二十里大  
澗上明正德間建

遮馬堤

元和志在縣西南十三里  
唐李光弼與史思明戰處

古蹟河陽廢縣

在縣西三十五里春秋時晉河陽邑以  
在河之北得名後屬魏漢置縣後罷縣

元魏孝昌中復置高齊省隋時復置移治北中府  
城左傳僖公二十八年天王狩于河陽史記趙惠

文五十二年董叔與魏氏伐宋得河陽于魏後漢  
書建武元年世祖自懷宮進幸河陽晉書惠帝太

安元年次于河陽魏書莊帝武泰元年四月丙申  
帝夜渡河會朱榮于河陽出帝永熙中親統六

軍十餘萬次于河陽隋志河陽縣有古河陽城寰  
宇記古河陽城在今縣西三十五里河內郡南六

十里晉潘岳河陽庭前安石榴賦石榴者天下之

奇樹九州之名果也是以屬文之士叙而賦之仰

天路而高睇顧隣國以相望位莫微于宰邑館莫

陋于河陽雖小縣陋館可以遨遊實有嘉木曰安

石榴修條外暢榮幹內樛扶疎偃蹇丹弱紛柔于

是暮春告謝朱夏戒初新莖擢潤膏葉垂腴曾華

暎以先越含榮歛其方敷丹暉綴于朱房細的點

乎紅鬚煌煌焯焯燭燭委累似琉璃之樓鄧林若

珊瑚之映綠水光明燐爛含丹耀紫味滋芳神色

麗瓊藥遙而望之煥若隋珠擢重淵詳而察之灼

若列星出雲間千房同模千子如一御渴療饑解

醒止疾既乃攢乎狹庭載阮載褊土階無等肩牆

惟淺壁衣蒼苔瓦被駁薛處悴而榮在幽弥顯其

華可玩其實可珍羞于王公薦于鬼神豈伊仄陋

用渝厥貞菓猶如之而况于人又河陽縣詩微身

輕蟬翼弱冠忝嘉招在疚妨賢路再升上宰朝猥

輕蟬翼弱冠忝嘉招在疚妨賢路再升上宰朝猥



荷公叔舉連陪廁王僚長彌歸東山擁耒耨時苗  
幽谷茂纖葛峻巖敷榮條落英隕林趾飛莖秀陵  
喬卑高亦何常升降在一朝徒恨良時泰小人道  
遂消譬如野田蓬幹流隨風飄者倦都邑遊今掌  
河朔徭登城眷南顧凱風揚微綃洪流何浩蕩修  
芒鬱岩堯誰謂晉京遠室邇人實遠誰謂邑宰輕  
令名患不幼人生天地間百年孰能要歟如猷石  
火譬若截道颺齊都無遺骸桐鄉有餘謠福謙在  
純約害盈由矜驕雖無君人德視民庶不怵又詩  
日夕陰雲起登城望洪河川氣冒山嶺驚湍激岩  
阿歸雁映蘭疇遊魚動圓波鳴蟬厲寒音時菊耀  
秋華引領望京室南路在伐柯大夏緬無覲崇芒  
鬱嗟我總總都邑人擾擾俗化訛依水類浮萍寄  
松似懸蘿朱博糾舒慢楚風被瑯琊曲蓬何以直  
託身依業麻黔黎竟何常政成在民和位同單父  
邑愧無子賤歌豈敢陋微官但恐忝所荷唐朱延

再登河陽城懷古詩客遊倦旅思憇駕陟崇墉元  
凱標奇跡安仁擅美蹤遠近濁河流出沒青山峯  
佇想空不極  
懷古悵無從

### 冶坂城

在縣西南冶坂津述征記即春秋踐土魏

西北四十二里故鄧鄉水經注河陽城在洛陽

治坂西北寰宇記踐土城在故縣東七里

### 冶城

在縣西北新志治城今呼為冶牆今縣北西  
路有冶牆村水經注天漿水東北徑一故城

名曰  
治城

### 鄧城

括地志故鄧城在縣西三十一里水經注湛  
水迺鄧南入河史記秦昭襄王十六年取軹

及  
鄧



下孟州故城

古兆中城也在縣南元和志縣西南至河南府八十里會昌三年改置孟

州治河陽寰宇記孟州西南至西京七十里北至懷州七十里治河陽縣州城即北中府城也後魏

太和二十年置元志金大定中州治為河水所害北去故城十五里築新城徙治焉謂之上孟州故

城謂之下孟州三城記河陽北城南臨大河長橋架水古稱設險南北城相望黃河兩派貫焉每秋

泛溢二城皆有濡足之患水經注河水徑平縣北河北側岸有二城相對置北中即府河水南對首

陽山是也通典北中府城後魏太和中築武泰初尔朱榮自晉陽南下胡太后遣將守河橋及北中

城以拒之

中潭城

在縣西南縣志即今黃河中郭家灘明一統志中潭城今夾灘元和志中潭城東魏

元象元年築仍置河陽關容齋隨筆河中一洲名曰中潭上有河伯祠水環四周喬木蔚然嘉祐八

年秋大水中潭由此遂廢水經注河水徑洛陽縣北河渚上舊有河平侯祠中潭城蓋置于此

柏崖故城

寰宇記柏崖城在河清縣西三里臨黃河侯景所築乾元中李光弼重修以拒

史思明是也唐志武德二年于濟源縣西南柏崖城置懷州四年移州治野王省縣八大基咸亨四

年置教倉于此曰柏崖倉開元十年廢二十二年復置元和十年淄青帥李師道遣盜焚柏崖倉

無辟城

一名無鼻城在河橋北二里

安國城

在縣西水經澠水逕安國城東同水逕安國城西

程莊城

在今河陽縣北十五里遺址存焉



河清廢縣

在縣西南五十里本漢軹縣地唐武德二年于柏崖城東置大基縣先天二年改曰河清宋開寶元年移治白波鎮仍曰河清縣

金移縣于河南岸改曰孟津而故城遂廢元和志縣南至府六十里通典縣南臨黃河晉

穀旦廢城

在縣北十五里唐武德三年析河陽置穀旦縣屬懷州四年廢縣志今為穀旦

鎮俗訛為郭旦

集城廢縣

在縣西南唐武德四年置屬盟州八年省入河陽縣

向都

在縣西南周幽王封皇父于此詩小雅十月之交曰作都于向是也

白騎塢

在縣西水經注同水出南原下東北流徑白騎塢在原上為二溪之會北帶深隍三

面阻險唯西版築而已縣志東漢末賊將張白騎所築故名今名為白牆縣北西路有白牆村

韓愈別墅

俗呼韓莊在縣西十里

德威堂

縣志在舊孟州治宋文彥博以司空判河陽後其子亦知河陽遂建此堂宋蘇軾德

威堂銘

元祐之初詔起太師潞公于洛命以重事

公惟仁宗英宗神考三聖眷倚之重不敢以既老為辭杖而造朝期年乃求去詔曰昔西伯善養老

而太公至魯穆公無人于思之側則長者去之公自為謀則善矣獨不朝廷惜乎又曰唐太宗以干

戈之事尚能起李靖于既老而穆宗文宗以燕安之際不能用裴度于未病治亂之效于斯可見公

讀詔儼然不敢言去蓋復留四年天下無事朝廷莫安乃力請而歸公之在朝也契丹使耶律永昌

劉霄來聘軾奉詔館客與使者入覲望見公殿門



外却立改容曰此潞公也耶所謂以德服人者問  
其年曰何壯也軾曰使者見其容未聞其語其綜  
理庶務酬酢事物雖精練少年有不如貫穿古今  
洽聞強記雖專門名家有不逮使者拱手曰天下  
異人也公既歸洛西羗首領有溫豁心者請于邊  
吏願獻良馬于公邊吏以聞詔聽之公心服天下  
至于四裔書曰德威惟畏德明惟明世所以守伯  
彝之典用舉陶之法者以其德也若夫非德之威  
雖猛而人不敢非德之明雖察而人不服公修德  
于几席之上而其威折衝于萬里之外退居于家  
而人望之如在廊廟可不謂德威乎公之子及為  
河陽守公將往臨之吏民喜甚自洛至三城歡呼  
之聲相屬及作堂以待公而請銘于軾乃榜之曰  
德威而銘之曰德威惟畏德明惟明惟師潞公展  
也大成公在洛師崧洛有光駕言三城河流不揚  
願公百年子孫千億家于兩河日見顏色西戎未

朝祗慄公門豈惟  
兩河四方其訓之

### 太師堂

縣志在舊孟州治宋文彥博以太師致  
仕居洛陽子及知河陽迎養作堂以居

### 鬪雞臺

縣志在縣西南五里世傳五  
月五日號太子鬪雞于此

### 聯芳亭

縣志在河陽縣治後圃內宋  
慶曆中河南令鮮于亨建

### 禮賢館

縣志在舊孟州治後圃宋呂公著守河陽  
時司馬光范鎮往謁公著館于此故名

### 平嵩閣

縣志在孟州舊治後圃曰城為臺北倚太  
行南憑嵩少俯瞰黃河為河陽美觀宋司

馬光九日平嵩閣宴集詩句九日英僚集千秋勝

賞同飛槁貫河渚危閣墜霜風李迪平嵩閣詩南

拍嵩高北太行太行中出貫雲長君

王不恃金湯險自有仁恩結萬方



揚清閣

縣志在河陽縣治後圃內宋慶曆中河南

今鮮于亭建宋黃庭堅河陽揚清亭記畧

河陽縣令盟津西晉潘岳安仁所治縣也慶曆中

著作郎知縣事鮮于亭慕潘令治民有聲相傳以

為父老不伐其桃李于是築亭于其圃曰聯芳架

閣于其治曰揚清意若同循吏之臭味有激于貪

濁云元祐三年宣德郎知縣事高元敏吏事庸敏

不深鞭罰而政和乃浚治開圃陸藝桃李水植菱

藕稍繕故址作亭用其名曰揚清名曰其舊不揜前人之善也

鎖水閣

崇禎三年知縣李希揆建

寺觀金山寺

在縣西十里紫金山唐垂拱三年僧

盤龍寺

在縣西三十五里楊村唐開元二

藥師寺

在縣治西南金大定四年

上生寺

在縣治東南金大定戊申建明洪武初置

勝佛寺

在縣西四十里嚴家

清涼寺

在縣西北二十里蘇

法雲寺

在縣東二十里沈河

崇勝寺

在縣北二十里相

增福寺

在縣治東不知始何時元至大二年重修

年間僧海善重修明何塘記孟縣城有寺曰增福寺之內有殿曰弥陀蓋寺僧福攢及福善之所建



立也棟宇既完佛像既設延目儒學李生潘生謁  
予請記竊惟道不同不相為謀將何以記予之辭  
再三而攢之請益確二生曰佛之道不必論也惟  
為記茲殿建立之歲月斯足矣惟佛之教起于西  
方中國古無有也自金仙入夢而佛教始來自白  
馱經而寺院始立晉宋齊梁魏隋之間佛教大興  
招提蘭若徧于海內上自王城國都下及窮鄉小  
邑無處不有意方其盛也鐘魚明梵之音誼闡朝  
夕幡幢刹柱之形輝映遠近兆庶蓋無不目炫而  
神奪者及其衰也棟宇膠轄或化為荒煙野草像  
設莊嚴或化為飛螢走燐是雖劫數有常亦由人  
謀所致故遠公振錫廬山以興達摩面壁少林斯  
啟究觀前後何莫由斯爰惟福攢上人系出名門  
身皈佛教以佛之道廣大宏深非棟宇華麗不足  
盡後嗣崇奉之心非像設具存不足起兆庶瞻依  
之念爰與同袍共建斯殿營表方立檀越雲至祇

園布金公輸獻巧經始于弘治八年四月落成于  
正德五年九月輪奐鮮明金碧照耀儼若雷山鷲  
嶺移自西天釋迦頭陀聿來東土遠近瞻依倍加  
敬信噫福攢諸上人可謂有功于其教矣佛之道  
予不能知也以生民之常道論之福攢諸上人  
人之于其教殆所謂克家之子歟姑以是記

### 興國寺

在縣西三十里甚澗村元至順二年建

### 大明院

在縣北藥師村後唐天成年建明弘治間修明何瑯大明寺碑記畧孟縣立義鄉之

藥師村有寺曰大明始勅于唐明宗天成年宋  
宣和三年元至元十七年凡再重修自元至我  
朝弘治年間蓋又百五十年矣歲月滋久後殿傾  
頹本村李岩信佛教者也欲重新修蓋以寺無主  
僧乃率社人李翺李宗等詣相封村崇勝寺請僧  
大方禪師協力重修起功于弘治十六年九月落



成于正德二年三月云

覺林院 在縣北禹寺村金大定三年建  
明洪武十四年僧慧岩重修

普照院 在縣西仁和村元至元  
五年建明弘治初修

龍泉院 在縣西洪澗村  
元至正三年建

慶佛院 在縣西號村元  
至大三年建

廣嚴院 在縣東北城伯村不知始于何時明宣德  
八年僧明全重修萬曆八年僧如舟性悌

再修

長春觀 在縣西仁和村  
元至元四年建

淵真觀 在縣西號村元  
至元十五年建

會雲觀 在縣西路家庄元  
至元十五年建

上清觀 在縣東北李村  
元至正六年建

仙洞觀 在縣西石家庄  
元至順二年建

嶽雲宮 在縣南門外元  
至元六年建

祠墓晉潘岳祠 縣志在治成村明成化  
中移入縣治南門內

唐韓文公祠 縣志在縣治南門內明王諤謁韓文  
公祠詩骨肉相逢幸不孤朔風吹雪

滿頭顱一封正氣青天在八代衰文赤手扶猶有  
篇章傳道路豈應香火托浮屠廟門下馬瞻依地



却愧經行  
是坦途

### 明楊忠愍祠

在縣南十五里堡祀明欽天監五官  
監候楊源源豐城人正德初疏劾劉  
瑾廷杖謫戍肅州行至河陽驛而卒其妻斬蘆荻  
覆而瘞之于此嘉靖十一年河決古城墓廢萬曆  
二十六年賜謚衣冠  
葬驛門東并立祠

### 嶽瀆廟

在城北桑樓村不知始  
何時元至大戊戌重建

### 濟瀆廟

有二一在沈河鎮元至正十  
六年建一在縣治西門內

### 成湯廟

廟碑記畧孟之為州古也西一舍而強有  
村曰北陳地土平衍草木茂盛又州之膏壤也民  
俗敦信力田而好義即河陽而建王廟焉廢于金

兵後趙順重修王殿六楹至元七年夏大旱民告  
病東楊村耆老取益者瞻拜禱水于瓶神恤其虔  
瓶滿而溢乃迎歸祀事翌日而澍  
雨沾洽民歌神賜實太平之盛事

### 光武廟

縣志在城西  
南堤北頭村

### 東漢姚期塚

縣志在城北  
十五里姚村

### 唐李元淳墓

縣志在太平  
鄉之高端崗

### 張建封墓

縣志在太  
平鄉競村

### 韓愈墓

縣志在縣西十里韓家莊子  
昶葬尹村在縣西二十里

### 元郝經墓

縣志在縣西二里  
通志在縣西許村







山川筆架山

在縣城東南隅  
司馬故宅前

太平山

在縣西司馬故城內  
司馬懿所築故址猶存

黃河

在縣南自孟縣流入與河南府鞏縣接境又  
東入武陟縣界縣志河舊離城二十里今漸

徙而北逼  
近城隈

濟水

在縣西三十里自濟源縣孟縣流入又南入  
河孔安國書傳濟水在溫西北平地漢志濟

水東南至武德入河後漢志溫縣濟水出王莽時  
大旱遂枯絕水經沈水東至溫縣西北為濟水又

東過其縣北屈從縣東南流過墳城西又南當鞏  
縣北入河酈注水自郟城入東至溫縣西北與故

瀆分又南迺溫縣故城西又南歷競公臺西又南  
注于河當王莽之世川瀆枯竭其後水流迺通津



渠勢改尋梁脉水不與昔同唐李君房清濟貫濁  
河賦濟有瀾子清冷不窮以清激濁子洪河之中  
迤靈長而委注忽薦至而爭雄懼渥乎泥我則貫  
而愈淨將合于道我則和而不同徒觀其虛明皎  
潔秀色澄澈漾清泚以遐分界飛濤而劃絕始騁  
迅以中瀉載流謙而東淺德惟靜自澄之于本源  
體雖柔豈混之于派別懿夫貞不受汙清非可混  
噴中流而激射劈巨浪之崩奔狀浮雲決開晴天  
之灑空碧若輕埃乍歛明鏡之洗蒙昏遠而望之  
孤煙橫于曲渚迫而察也霜練引于靈源是知夫  
道惡此周物莫相與彼流濕之為類尚沿源而異  
處匪泥沙之可雜豈湍洑之能阻越洪濤之浮浮  
駛清浪之悠悠不學淄渾之難辨且殊涇渭之同  
流于以用之甘見和之醴就其深矣欣可泛乎舟  
狀盤渦之澆滯不染乎濁湔跳沫之飛驚不傷夫  
清均上善以清美含至虛而體平度龍堂而愈灑

洗貝闕而增明何必漆洧之陽然後濯其髮寧俟  
滄浪之畔然後澡其纓截河而流所以為異導汚  
而注明乎所自灑濁波而迴逗沛驚濤以自致庶  
弥久而不渝鑿妍蚩子無媿許堯佐清濟貫濁河  
賦河之並濟子惟秩其平濟之貫河子勢若相傾  
非剛克無以見其柔立非甚濁無以彰其至清是  
以靈源濬發柔德兼呈徒觀其流波委注秀色澄  
澈沖融而濁水遙開鼓怒而洪流直截遂使還淳  
之士疑二氣之初分策功之臣驚一帶兮中裂既  
處濁而不染每含貞而自潔苟與和光者殊致寧  
與渥泥者無別是以霍漢波激崩騰勢翻濟水與  
河水相輝光容易識清流與濁流不雜質性難論  
苟微之于變化可察之于本原于以表德于以辨  
類方九折而橫流啟重泉而直至故以盤渦渾曉  
日之輝壘鏡寫晴峰之翠絕河而去孰與我先  
導沈斯來孰謂我奚自若乃冲虛是翫迅激難傳



廣可涉兮思杭葦于寒渚清可挹也欲濯纓于夕  
流貫長川之浸浸委輕浪之悠悠然下流繇邈顧  
表清而不濁上善照融故守和而不同故可扶正  
直之純志助潤澤之成功動連漪于迴浦萃光景  
于微風且淮之清于濱于夷江之遠于界于楚豈  
若貫大川以揚波臨大都而分渚含清濁而獨秀  
求正敵而誰與苟河清  
之可期賴朝宗而為侶

### 廣濟河

在縣北沁水分流也自河內縣流入又徑  
縣東南入河府志豐稔河分廣濟河水南

至溫縣

入濕

### 溫潤渠

在縣西北沁水分流也水經注奉溝水自  
野王城陽鄉城又東南徑李城西合濟瀆  
又徑墳城西屈而東北徑其城北又東南徑平皋  
城南又南入河隋書開皇中刺史盧賁于河內引

沁水為利人河又泝流入  
溫縣名溫潤渠以溉烏鹵

### 澇水

通志在縣北十里廣濟河南積澇而成東南  
流入濕水每有決溢之患明永樂十四年疏  
通嘉靖三十年重濬

今又接廣濟河等堰

### 平皋陂

在縣東魏書地形志平皋縣有平皋陂元  
和志平皋陂在武德縣南二十三里周迴

二十五里菱苻蒲葦百姓資其利寰宇  
記陂南即黃河也通志在故平皋城南

### 李陂

在縣西南水經注李城西南有陂淹  
地百許頃蕪葭荏葦生焉號曰李陂

### 溫泉

在城西溫泉鄉縣之得名以此有小河起自  
城西五里院繞而東經縣治南二里其故道

也今俱陷  
入黃河



關梁招賢鎮

在縣西二十里相傳司馬懿招賢于此故名

古賢鎮

在縣西北十五里

趙堡鎮

在縣東北十五里

梁莊舖

在縣西北十五里又郭村舖在縣西北三十里達河內縣界

滂河橋

在縣東五十里上作村

龍津橋

在縣西北十八里

小金堤

在縣西三十里濟湍二水夏秋滂溢為害甚巨明洪武十七年築隄防之長四里名

沈河隄成化間增築長二十里易今名

古蹟李城

今縣治戰國時秦圍趙邯鄲趙人李同帥敢死士赴秦軍秦軍為却同戰死趙封其父為

李侯史記正義溫縣故李城也後漢志平皋縣有李城元和志隋大業十三年自故溫縣移于今治

西南至河南府三百里寰宇記溫縣在孟州東北

五十里九域志在州東七十里府志李同城在修

武縣東北

二十里

候

廢溫城

在今縣西南三十里周初為蘇國亦為畿內邑戰國時為魏地漢置溫縣于此東魏

後縣廢隋復置移治李城而此城遂廢寰宇記東

魏天平中移縣于古城東北七十里大業十三年

又移縣于李城隋志溫縣有故溫城左傳隱公元

年鄭祭足帥師取溫之麥僖公十年狄滅溫溫子

奔衛二十六年晉侯會諸侯于溫文公元年晉侯

朝王于溫史記魏安釐王二年秦軍大梁下于秦



溫以和後漢書更始將朱鮪守洛遣兵攻溫寇恂擊却之

### 平皋廢縣

舊名邢丘在縣東二十里東北隅有邢丘城漢置平皋縣屬河內郡後漢至晉

曰之後魏屬武德郡北齊廢八州縣寰宇記平皋故城在武德縣南漢書注應劭曰邢侯自襄國徙

此後漢志邢丘古邢國左傳襄公八年晉會諸侯于邢丘昭公五年子產相鄭伯會晉侯于邢丘戰

國策范雎說秦攻邢丘邢丘拔而魏請服史記韓昭侯六年伐東周取邢丘秦昭襄王四十一年攻

魏取邢丘秦始皇五年蒙驁伐魏拔邢丘漢書高帝七年封項它為侯邑

### 安昌故城

通志在府東南六十里元和志在武德縣東南十三里魏書地形志平皋縣有

安昌城水經注沙溝水逕安昌城西即漢河平四年封張禹為侯國處也

### 墳城

在縣東水經注濟水逕墳城西屈逕城北

### 馬城

在縣治西二十里招賢鎮司馬懿所築

### 號公臺

在縣西南十五里寰宇記俗名賀酒臺司馬懿過故邑集父老宴賀于此曰名皇覽

曰溫城南有號公臺基址尚存水經注濟水歷號公臺西又南入河

### 鳳凰臺

有二一在縣西十五里羊店本草遠志出溫縣鳳凰臺下即此今臺址尚存一在縣

治北五里渠河明嘉靖中鳳凰集于渠河東臺曰以名臺

### 司馬故宅

晉本紀司馬氏溫縣孝敬里人縣志宅在城內東南隅舊為學宮明嘉靖元年

移于南門內今為興化寺



寺觀宣帝寺

在縣城內東南隅舊儒學地址即司馬懿故宅目名

慈聖寺

在大吳晉天福二年僧保林建明洪武二十七年僧廣福重建併靈感招慶永安普

勝寧國弥陀六院八馬寺

中有寫畫塑世稱三絕

福智寺

在楊門元至正年間僧古峯建明洪武末修置僧綱于內

古聖寺

在常村

清涼寺

在南賈村

祠莫文王廟

有三一在平皋一在縣東孟封村一在縣西北王村

武王廟

在縣東孟封村

漢高祖廟

在縣東北趙保鎮

晉三陵

在縣西三十里晉祖陵

周虢公塚

在縣西故温城東皇覽曰虢公塚堆在温縣郭東濟水南是也

趙宣子塚

在縣治西五里晉趙宣子廟記忠節足以勵具臣英風足以激後代生而無愧

死而有神宜乎血食千年典型猶在質之前古晉趙宣子其人也公諱盾謚曰宣晉上卿趙衰之子也魯僖公五年公子重耳以驪姬之難出奔翟衰從亡為翟人伐廬咎如得二女曰叔隗季隗納諸公子取季隗以叔隗妻衰生盾即宣子也僖公二十五年公子婦國是為文公公女趙姬請逆盾與其母來以盾為子固請于公以為嫡子文公之復國也衰之計策為最多遂命為卿當新軍帥三十



二年文公卒于襄公即位宣子代父執國政行諸  
晉國以為常法魯文公六年襄公卒于靈公即位  
少長而侈厚斂以彫墻從臺上以彈人而觀其辟  
丸也宰夫胹熊蹯不熟則殺之宣子驟諫公患之  
使鉏麇賊之晨往寢門闢矣具服將朝尚蚤望而  
假寐麇退而言曰不亾恭敬民之主也賊民之主  
不忠棄君之命不信有一于此不如死也遂觸庭  
槐而死秋九月晉侯飲盾酒仗甲將攻之其右提  
彌明知之趨登曰臣侍君宴過三爵非禮也遂扶  
以下公族夫癸明搏而殺之宣子曰棄人用犬雖  
猛何為鬪且出提彌明死之初宣子曰于首山舍  
于翳桑見靈輒餓問其病曰不食三日矣食之舍  
其半問之曰宦三年矣未知母之存否今近焉請  
以遺之使盡之而為之葷食與肉寘諸橐以與之  
既而與為公介倒戈以禦公徒而免之問其故對  
曰翳桑之餓人也問其名居不告而退遂自亡也

其他行事記在太史逮子朔嗣位遂終老焉温邑  
乃晉之遺壤蓋後屬諸趙氏今邑西十里有宣子  
墓廟在焉春秋左氏書魯昭公元年十二月趙孟  
盾卒喪于温杜元凱稱趙氏之家廟在焉兼質諸  
經亦不誣矣但以廟祀綿邈碑志不存居人以時  
修之塋之四圍鞠為禾黍時有田夫野老豚蹄豆  
酒祈穰水旱而已然莫知所由來太和壬戌冬德  
昌自潞而忝丞是邑曰公往還屢謁祠下至于升  
丘遐覽弔古傷懷想千載之英靈奠九原之難返  
目命工刻石緬記芳猷庶幾陵谷變遷亦且不朽  
秦和乙丑孟春日登仕即温縣丞  
兼管勾河防常平斬德昌作記

### 鉏麇塚

在縣治西三里

### 宋郭熙墓

通志在縣西七家村



元關關塚

在縣西三里岳村元張翥功臣關關碑

天興末國主以所部未歸我太祖皇帝世為名將家初徙中原乃籍汴之中牟公諱關關字文祖少沉鷲有材勇直承平時諸部落散處郡邑遊獵騎射所居沈丘介汴蔡地沃衍美泉廣薦宜畜牧公往來熟其豪傑頗以意氣相期至正辛卯夏盜發汝賴官軍不習戰風靡敗去于是齊忠武王興師衛鄉里公募義勇萬餘人來附賊柵羅山首尾險隘相聯絡以厄衝要公襲破之受招討上百戶佩金字銀符尋取諸臯破大賊韓龜兒連克包信新蔡公悉與有功壬辰忠武攻下汝寧鈞許取大碗羅砦魯各城公每先驅癸巳賊犯河南府公救之賊聞公名棄輜重渡河溫縣公復破之河北平陞公武毅將軍上千戶甲午賊據滎陽公破去之賊復屯兵八角時賊豎韓林兒偕都汜梁分眾四掠

忠武委公與弟把子佛寶守隘要賊轉戰而前賊却佛寶追擊之賊李喜等與潰賊合佛寶深入後復繼見執為所害事聞贈忠顯校尉上百戶丁酉定陝號以功居多陞懷遠大將軍穎息招討五萬戶賊散入關中勢頗張公追襲抵鳳翔陝西乃移軍守高平轉河東山西宣尉司副使賊方跳踉汾晉公乃移軍孤嶺賊間道出絳州還我懼而遁陞荆湖北道同知宣尉使尋改河南行樞密院斷事官俄改判本院汴賊殺勢方軒輕他盜應和兩河震動忠武力攻平之陞公本院同僉以所部守懷慶至則大脩城隍綏輯流散務屯種遷定遠大將軍僉本院事尋改中奉大夫河南行省叅知政事辛丑夏有旨討山東分軍三道以進公當北道下高唐禹城禽偽張知院王達兒等皆驍賊也次灤口奪賊二百餘舸就其屯兵純賊糧道陞資善大夫左丞攻齊河偽劉平章陳平章等以眾三萬來



救公望其鋒叵當乃伏銳而示弱以啖之賊爭前  
無行列公鼓伏兵起橫擊之俘馘無筭取齊河直  
抵濟南濟南平陞右丞階資政賜金帶一賞平益  
都之功也壬寅復守懷慶少暇乃捐已貲起義塾  
來學者延師教之士風以興僉知河南行樞密院  
事乙巳秋儲皇撫軍還都覃恩榮祿大夫河南行  
省平章政事軍中方以宿將期公于南討而以疾  
告薨矣是歲丙午正月十有一日也春秋五十有  
三以二月二十日葬於溫縣五里院梁國公墓在  
謚康定配康氏封梁國夫人長子福童謂太史氏  
職錄功臣而來乞文遂按次其狀而銘之銘曰在  
歲辛卯有盜倣擾域飛鬼擘孰扞孰驅惟時忠武  
倡厥義旅公萬其募來隸麾下首拔羅山繼捷關  
中復下大梁無役不從數級賞功壯聲罷熊出守  
懷慶務農興學境宇丕聳士風用作天戈東揮公  
趨濟南逆徒來援如豕恹恹出奇覆之淄青遂勘

適臻于懷俾修前治計音遽告失此良帥有膺溫  
原先塋若堂祔茲厚窆亦孔之臧于赫隧碑太史  
是刻式爾後瞻弗隳弗泐至正二  
十七年十有一月男福童立石









